

# Il fain betg sin il medem ladritsch

Illes interess da las vischnancas da concessiun e da las ovras divergeschan

DAD ANDREAS CADONAU / ANR

■ **Ina ferma convivenza celebrada sur decennis tranter las vischnancas grischunas da concessiun e las ovras electricas retschaivan emprimas sfendaglias. Dacurt han las vischnancas da concessiun da las Ovras Electricas d'Engiadina renvià l'acceptanza dal quint annual e da distgargiar il cussegl d'administraziun. Las tractativas per ils novs tschains d'aua fieran las emprimas sumbrivas.** Per regla succedan las radunanzas dals acziunaris da las ovras electricas grischunas dapi decennis tenor il medem proceder. Illes represchentants da las vischnancas concessiunarias cun ina pitschna part da las aczias sa scuntran cun il medem proceder. Illes represchentants da las vischnancas concessiunarias cun ina pitschna part da las aczias sa scuntran cun il medem proceder. Illes represchentants da las vischnancas concessiunarias cun ina pitschna part da las aczias sa scuntran cun il medem proceder.

Las tractandas acceptadas unanimamain e liquidadas sveltes lubeschan da sa deditgar al gentar communabel. A chaschun da la radunanza da la Ovras Electricas Engiadina SA (OEE) da la fin favrer èn las vischnancas da concessiun s'abstegnidas da la vusch dad acceptar il quint e distgargiar il cussegl d'administraziun, ina acziun da protest. (LQ 27 da favrer 2017). In novum en l'istorgia da las vischnancas da concessiun ed ovras. Cun il tschain d'aua n'ha la nota da protest da las vischnancas da concessiun da las OEE da far nagut. Dapi set onns na retrain las vischnancas da concessiun l'energia betg da las OEE, ma bain da las Ovras electricas bernaisas (BKW). Sco quai che *Not Carl*, il president da la Cuminanza d'interess da las vischnancas grischunas da concessiun, ha ditg na sappian las OEE betg furnir l'entir onn atgna energia a las vischnancas. Las OEE cumpran quella energia e vendian ella tranter auter a las vischnancas da concessiun. Avant set onns hajan las



Illes interess da las vischnancas da concessiun e da las ovras d'electricitad na s'accordan betg sco antruras.

MAD

vischnancas da concessiun pensà da far il medem e cumprar electricitad sin la fiera libra. Carl ha dentant punctuà che las vischnancas hajan cumprà l'electricitad da la BKW che saja participada a las OEE, pia dad ina ovra partenaria. Tranter in e dus milliuns francs han las vischnancas pudì spargnar annualmain.

## Il vent ha midà

Entant è la situaziun sin la fiera d'electricitad sa midada. Midà ha medemamain la gestiun da las OEE che pretendan da

las vischnancas da concessiun in obulus per transportar il current da la BKW tras las atgnas lingias. I sa tracta dad ina summa da circa dus milliuns francs. Il cas ch'è actualmain pendent tar la Elcom ha procurà per la nota da protest da las vischnancas da concessiun. Ellas pretendan che las OEE na resguardian betg ina cunvegna existenta tranter vischnancas da concessiun e las ovras da l'onn 2010. Il cusseglier dals chantuns grischun, *Martin Schmid*, presidescha il cussegl d'administraziun dalla OEE SA. El ha

fatg attent al proceder avant la ElCom che vegnia a decider sche la taxa da transmissiun saja legitima u betg. Ina decisiun che las OEE vegnian en scadin cas ad acceptar. Sa chapescha ch'ina taxa da transmissiun na saja betg pli in tema sche las vischnancas da concessiun sa decidian da puspè cumprar il current tar las OEE. *Martin Schmid* ha pareglià l'agir da las vischnancas da concessiun da las OEE sco il sa cuntegnair dad in consument dad in vitg muntagnard dad ir a cumprar tar in grond distribuider enstagl da su-

stegnair la stizun dal vitg. Uschia na saja betg da smirvegliar sche la butia dal vitg retschaivia problems da sa mantegnair. Problems existenzials vesa Carl da sia vart principalmain per las vischnancas da concessiun cunzunt en vista al nov tschain d'aua che vegnia bainglanti tematisà. Il cussegl federal è numnadamain londervi da stgaffir ina proposta per la consultaziun.

## Betg dal tuttatfatg conscientas da l'effect

Il president da la Cuminanza d'interess da las vischnancas grischunas da concessiun è da l'avis che las vischnancas na sajan betg dal tuttatfatg conscientas dals problems che spetgian ellas entras ina reducziun dals tschains d'aua. Not Carl è da l'avis che la politica grischuna haja gia resignà vers la las ovras e lur pretendiuns. Da l'impurtanza dals tschains d'aua per las vischnancas ed il chantun Grischun è era *Martin Schmid* persuadi. El represchenta dentant era ovras electricas, sper las OEE la Repower e fa tranter auter part dal Forum d'energia svizzer che titulescha sasez per la vusch da l'economia d'energia. Il cusseglier grischun dals chantuns è persuadi ch'i saja pussaivel da chattar ina buna soluziun per ils producents e per las vischnancas da concessiun pertutgant il tschain d'aua. Quai na crai Not Carl betg. El ha envidà, sper il cusseglier guvernativ *Mario Cavigelli*, il cusseglier dals chantuns da Son Gagl e commember da la Partida socialdemocratica *Ruedi Rechsteiner* sco referent a la proxima radunanza da la Cuminanza d'interess da las vischnancas grischunas da concessiun. Il tema è ina strategia per las vischnancas da sa defender vers las pretendiuns da la bransch d'electricitad.